

卷〇〇六三 農字

卷〇〇六四 農字

卷〇〇六一 離字等

卷〇〇六二 離字等

永樂大典

田農

晏元獻公類要垣窳荀子富國曰垣窳舍廉者財之本恆積之累
築墻四周以戢之也窳害也掘地藏穀也窳匹救切困徒了反

屏曰。餘刀布有圍竈。

耕耘樹藝。管子。春令耕芸樹藝。一農之量耦其耘。

也。管子巨乘馬曰。一歲之重。莫如以也。春事二十五日之內。何謂祭酺合。

六十日而陽凍釋，七日而陰凍釋，故春事二十五日之內可起，草先生。

跡。百畝不舉。起十人之跡。千畝不舉。起百人之跡。萬畝不舉。起十人之跡。

十萬畝不舉。田家瀆_通。駱賓王與_衡昌父老書云。今西域月望。車戶無

萬野老請談怡然自得田禾酒。裝以忘憂。以薤呼毛反。枚原田草茶。

夢詩周頌良耜。爾云其鱗斯越。茶蒙茶蒙。朽止。泰稷茂止。獲之桎桎。積之栗。

栗。其崇如墉。其比如閭。以開百室。百室盈止。婦子寧止。趙。徒了反。

刺也。桎梏衆反。注。育室也。其已治之。則百姓家聞之。納之。千耦其耘。

百室者出必共湫間而耕。入必共族中區。居。又有祭酺合

歲欲登甘草先生。

歲欲儉。苦草先生。師曠之占。驗草而知豐儉。師曠占曰。黃帝問師曠曰。吾

欲五歲苦樂善惡。可_レ知_レ。對曰。歲欲_レ甘。甘草先生。甘草。薺也。歲欲_レ飢。苦草

先生。草苦者。葶藶也。人惡惡草先生。惡草者。藻也。歲欲旱。旱草先生。旱

草者。蒺藜也。歲欲濟。潦草先生。潦草者。蓬也。壅泉沃韭。魯連子曰。市廛者。僕妾膾炙。而食市饒也。壅泉沃韭。纖履之上。從兄弟室夫性而不得租。稱焉。非愛其僕妾。惡其室父也。此其饒美之與不足也。稱音備。連柳。王莽傳曰。予之北巡。必躬載佛。注。音佛。所以擊治忝者。今之謂連柳。務前公稅以遠史讓。顏延之庭詰曰。云云。無急傍費以息流議。蠶繭。又曰。蠶繭者。就之難。難者。則物之所鄙。但道桑麻長。閭潛曰。相見無雜言。但道桑麻長。桑稼。後漢明紀。詔曰。百姓勉務桑稼。以備災官。祈年于田祖。舊章職曰。九國吹豷雅。擊土鼓。以樂田畯。注。祈年。農年也。田祖。始耕田者。謂神農也。豷雅。豷風七月也。田畯。古之先教田者。爾雅田畯。農夫也。芒夫牧豎。後漢陳寔傳論曰。士有不談此者。則芒夫牧豎。已叫呼之矣。注。芒。除草也。泥勝九穀之書。隋書盧思道勞生論曰。泥勝九穀之書。觀其節制。崔寔四人之令。奉以周族。庶人力於農稼。左傳十四曰。其注。種曰農。收曰穡。下田濟邪。得穀百車。說苑曰。齊王使淳于髡。求穀於趙。齋金百斤。車馬十駟。髡曰。臣之隣人祠曰。以一簋飯。一鮒魚。祝曰。下田濟邪。得穀百車。臣笑其所祠者少。所求者多。王乃益齋黃金白壁車馬一百駟。社閭嘗新。漢食貨志曰。社閭嘗新。春秋之祠。用錢三百。男子畝。婦人桑。法言曰。老人老。孤

人孤病者養。死者葬。葬之謂恩。臺筮緇撮。詩大雅云。彼都人士。臺筮緇撮。注。都人之士。以臺皮為筮。緇布為冠。古明王之明。儉且節也。辰馬農祥。國

語三云。月之所在。辰馬農祥也。注。辰馬。謂房心星也。所在大辰之次。為天駟。天駟曰馬也。故曰辰馬。言月在房合於辰也。祥猶象。房心正而農事起。故謂

之農祥。農祥辰正。又第一云。陽靡愆。盛。土氣震發。農祥辰正。注。農祥。辰星。辰正。謂立春之日。辰中於午也。農事之候。故曰農祥。中農食七人。貢禹上疏曰。漢

家鑄錢。及諸鐵官。皆置吏卒。伐攻山取鋼鐵。歲功十萬人已上。中農食七人。是七十萬人。常受其飢也。百家共一社。荆楚歲時記云。社曰民會社。鄭玄

云。百家共一社。以牛疫區種增耕。後漢書。顯宗時。以郡國牛疫。通使區種增耕。而吏不檢括。多失其實。百姓患之。汜勝之書曰。上農區田。大區方深各六

寸。間相去七寸。一畝三千七百區。丁男女種田十畝。至秋收。區三升粟。畝得百斛。中農區田法。方七寸。深六寸。間相去二尺。一畝千二十七區。丁男女種

十畝。秋收粟畝得五十一石。下農區田法。方九寸。深六寸。間相去三尺。收畝得二十八石。旱即以水沃之。畦丁。杜甫園官送萊詩云。畦丁負籠至。文探

聖于摘蒼耳云。畦丁告勞苦。神農二十篇。漢藝文志。農家之流云。神農二十篇。六國時諸子。疾時急於農業。道耕農事。託之神農。劉向別錄云。疑。李

悝及商君所說。取野老十七篇。六國時。在齊楚間。年老田野相民耕種。故号
野老。記音儿。又教鋤切。勝之十八篇。成帝時。使教田三輔。有好田者。施之為
御史。蔡葵一篇。宣帝時。言便宜至弘。農太字。右農九家百十四篇。農家者流。
蓋出於農稷之官。播百畝。勸耕桑。以足衣食。蟋蟀養也。在堂九月。役車其休。
庶人乘役車人。三休農。二畢庶事也。蚩蓂牧艾段。蚩蓂牽羸馬。蚩蓂牧艾
段。柳宗元詩。時天時。力地力。太玄曰。時天時。力地力。維酒維食。爰作稼穡。
注。奉天之時。盡地之力。初稅畝。非正也。古者什一。一夫一婦。佃田百畝。以供五口。
父母妻子也。又受田十畝。以為公田。公田在內。私田在外。此一夫一婦。為耕百
一十畝。藉而不稅。藉此公田而收其入。言不稅民。古者三百步為里。名曰井
田。田者九百畝。公田居一。出除公田八十畝。餘八百二十畝。故井田之
法。八家共一井。八百畝。二十畝家各二畝。為廬舍。私田稼不善。則非
責也。史。史。田。唆也。言吏急民。使不得營私田。公田稼不善。則非民。民勤私也。
初稅畝者。非公。魯宣之去公田而履畝十取一也。以公之為民已悉矣。古有公
田為君。八家共君。竈蔥韭盡取焉。損其廬舍。家作一園。以種五菜外。椒桑以
養生送死。冬稼劉向云。此蟋蟀。董仲舒云。蟋蟀生。稼非災也。其曰。稼非。稅畝
之災也。稼之言緣。魯宣稅畝。故生災。非肯也。魯稅畝而稼生。一夫一婦。佃

音田。又音向字。田百畝。以供土。只受十畝。以為公田。一夫一婦耕百一十畝。井田之法。八家共一井。家各二畝。為廬舍。家作一園。以種五菜外。種樹桑。以備養生送死。見上。九扈為九農正。爾雅疏云。昭十七年。左傳曰。九扈為九農正。春扈頌扶云切。鵬。勅倫切。賈逵注云。春扈於循柳五土之宜。越民耕種者也。夏扈竊玄。賈逵注云。越民耕苗者也。秋扈竊藍。逵云。越民牧飲者也。冬扈竊黃。逵云。越民蓋藏者也。棘扈竊丹。逵云。為果驅鳥者也。行扈啗啗。莊百切。逵云。畫為民驅鳥者也。宵扈噴噴。莊革切。逵云。夜為農驅獸者也。素扈竊脂。逵云。為蠶驅雀也。老扈鷄鷄。音晏。逵云。越民收麥。令不得晏起者也。舍人樊光注。爾雅亦與賈同。其意皆謂以扈為官。遂今依此。請扈動作也。然則越民耕耘收飲蓋藏。其事何得召使聚而總号今之。其為果驅鳥蠶驅雀。豈得多置官方。使之就果樹入蠶室。為民驅之哉。又畫驅鳥。夜驅獸。不可竟日通宵。常在田野。薄天之下。何以周。且其言不經。難可據信也。故郭氏及杜預皆不從也。郭云。諸篇皆因其毛也。色音聲。以為名。竊藍青色。今爾雅作扈。作鳥。臺笠緇撮。毛詩義曰。南山有臺。臺笠緇撮。舊說涉草也。可以為蓑笠。故曰臺笠。或云。臺草。有皮堅細滑緻。可為蓑笠。南山多有。臺笠。願受一廬居也。而為氓。孟子曰。許行告滕文公曰。達

方之人。聞君子行仁政。願受廬而為氓。注云。氓。野人之稱也。國廬。廩也。國曰廬。方曰廬。國語。帑音篋。襍音延。又音瓊。并見玉篇。

喻政

如農

左傳襄公二十五年。子太叔問政於子產。子產曰。譬喻政如農功。日夜思之。思其始而成其終。朝夕而行之。行有越思。如農之

有時。其

去草之農

左傳隱公六年。周任曰。見惡如農夫之去草。焉。芟夷蕪崇之。絕其本根。勿使能殖。國語農

夫作耦。以刈殺四方之蓬蒿。

農祥

西漢書音義。龍星左角曰天田。則農祥也。辰見祠以牛。白氏六帖。農祥。辰正天駟星也。立春見

於南。候以興農。故曰農祥也。

農忌

吳中舊事。農忌五月甲申乙酉。兩則大。小麥不收。諺云。甲申猶自可。乙酉怕殺我。

農

民丁口

書叙指南。開土殖穀。曰農。前食貨。會耕田人。曰善田者。王。身。勤力本業。曰力子。樊曄。農人勤。曰晝田夜紡。房玄齡。保

丁。曰白徒之衆。鄒陽。村人。曰丁夫。王符。保伍。曰比伍。尹翁歸。村保田。曰郊保之民。前五。行。附名籍中。曰占著。漢紀。附託冒匿戶。曰附蔭。後魏。徭役。曰

任衆。太宗。伯。科算丁口。曰口率之科。丁鴻。畏差役。曰患役之民。鄭太。定等。蔡。曰案比。後紀。江革。人曰比要。小司徒。非理科徵。曰特選橫調。左雄。徵發

多。曰徵發如兩。王壽刺賦。曰治賦。王雄免其科役。曰復。孝武邊遠之民。曰商民。夢得謹民。曰愿民。前食貨人丁實。曰無所影賴。楊於陵民窮。曰剔屋。賁田。狄仁傑。又曰賁舍帖田。李喬丁口不實。曰瘦蔽。蘇頌。漏落戶名。曰游戶。張說。人流亡。曰彫劫。蘇懷。流人歸業。曰流冗盡復。蘇幹。民墜本事。曰逋畝下機。劉罔。農民。曰牧兒斃豎。儒林。擡估物力。曰增貲就賦。劉平。農所衣。曰撥襖。管子謂簞之禮。農笠子。曰戴苧蒲。上親保。曰保伍姻近。毛若虛。稻田分水。曰定水令。兄寬。農民。曰芸夫豎牧。後陳起。又曰邑老田父。潘安仁。藉田賦。漕等部民。曰屬城思詠之民。肩舛。民逃之盡。曰家為空戶。陸。民流。曰棄其業西流。洗下賢。小民。曰單產孱民。上。農忙時。曰或春東作。何敞。民貧。曰春於擾費。下賢。又曰財空戶散。朱穆。小於鄉。曰聚。漢光武注。王農之官。曰田畯。詩。邱單身民。曰收介特。左昭。開收民版。曰登下。月禮九。貢漏丁。曰隱口之罰。漢法。民數。曰生齒之徒。周官男八月女七月。

進

農書

唐書李泌傳。泌請以中和節。百官進農書。以示務本。帝悅。乃著令。唐會要以二月一日。為中和節。內外官司。休假一日。先勅百

寮。以三令節集會。今宜以中秋節代晦日。其月二十六日。中書侍郎李泌。奏伏以仲春初吉。制嘉節以徵之。更晦日於往月之終。揆明辰於來月之

始請令文武百寮以是日進農書。司農獻種稔之種。王公戚里上春服。士庶以刃尺相遺村社。作中和酒。祭勾芒神。聚會宴樂。名為勾芒祈年穀。仍望各下州府所在頒行。呂和叔某代文武百寮進農書表。臣等伏惟故事。每十二月一日以農務方興。令百寮具則天大聖皇后所制定兆人本業記奉進者。中謝臣聞不受柱玉。祈穀于圓丘。可以致誠。未足以為勸。躬束耒耜。藉田于千畝。可以示勸。未足以教人。必也。因天地之和。順陰陽之理。利其器用。精取法式。變之而不倦。動之而不勞。四海靡而風行。百姓迷其日用。弘我政本。寔惟農書。伏惟齊聖文武皇帝陛下。德茂生成。道光慈儉。捐金而寶穀。非食而立人。考克典以授時。稽禹貢以任土。紫案盛而大事在祀。銷劍戟而盡力為農。豐年屢薦於郊歌。嘉瑞繼光於國史。而不自滿假。惟懷永圖。每至獻歲載陽。仲春初吉。俯察土膏之候。仰觀晨正之祥。經始歲功。導揚生德。徵有司之舊典。奉先后之遺文。深居穆清。親覽典妙。匪崇朝而盡更田畝。不出戶而遍洽人情。見梓草杯土之艱。知寒耕熱耘之苦。宸之感念。訓詁昭蘇。一艱而時雨先飛。三復而春雷自起。臣等業慙學稼。祿過代耕。親承務本之風。日奉在勤之訓。三時不害。觀玉燭於氤氲。九扈孔脩。賀生靈於富庶。謹繕錄前件書。凡十二篇。共成三卷。謹詣東上閤。

門奉表陳獻以聞。柳宗元某進農書狀。農書三卷。右伏奉某月日。勅宜以二月一日。為中和節。所司進農書。永以為恒式者。貞元五年詔。臣伏以平秩東作。虞書立制。倣載南畝。周雅垂文。此皆奉天時以授人。盡地力而豐食。自陛下德宗也。惟新令節。益厲農功。既立典於可傳。每陳書而作則。耕鑿之利。教帝力於嘉謨。稼穡之難。動天心於靡覽。勤勞率下。超邁古先。凡在率土。不勝幸甚。前件農書。謹函封進。謹奏。文苑英華侯喜中和節百辟獻農書賦。以嘉節初吉。脩是農政為韻。我后令節。中和孔嘉。東已全解。桃仍欲華。慶賞之多。燕樂既均。於九有播植之始。教化爰貞於四邇。於是心膂周召。股肱稷契。洎彼庶尹。當茲新節。陽和溥暢。言拜賜於生成。稼穡艱難。乃載陳於睿哲。觀其克合天意。咸造皇居。僉曰國以人為本。人以食為儲。政令不差。則夷革知勸。水旱無備。則倉廩其虛。且自古在昔。靡不有初。敬授人時。而克典垂記。大無禾麥。則魯史頻書。今陛下憂愛懷懷。日慎一日。惟人是憂。惟農是恤。以域中無事。海內殷實。人獻其誠。神降之吉。臣等叨遇昌運。思禋大猷。惟茲南畝。可致崇丘。虔考令辰。實當四仲之日。故作月敬舉彝典。庶為六府孔脩。豈止合彼九疇。冠夫百氏。高懸象魏。必日就而月將。永播蒸黎自風行而草靡。帝曰善哉。予之言是。

於變時雍。恭勤是宗。應天地中和之氣。備朝廷中和之容。君告成中和之功。久而作樂。臣獻守中和之術。先告川隄農。此所謂超羲越軒。臣賢主聖。樹光宅之深本。為經邦之善政。美哉啓沃之義。於斯為盛。賈誼同前韻。聖上親萬國之無事。偉三農之可嘉。因月令之初。爰詢播植。俾年豐之慶。無隔幽遐。於是文武畢陳。威儀斯列。爰脩耒耜之務。用廣異同之說。將斯秋作期。國實京坻。人懷禮節。捧書而進。知地利之可分。足食是圖。見天心之載悅。既而啓大字。儼替裾。煥夔龍之獻納。掩河洛之圖書。得富國以如此。契生人於厥初。稽重穀之言。徒稱董仲。驗深耕之法。何愧朱虛。所以俟驚蟄之辰。應夾鍾之律。昭八政之所用。蓄九年之罔失。是薦是養。將致乎千斯倉。爰始爰謀。必因乎四之日。故當載陽之候。以進為邦之術。俾農識不耕之凶。歲獲終畝之吉。且中也者。表天地之交泰。和也者。象德化之優柔。致中和之令節。展稼穡之允脩。將明肥磽異等。豐歉殊收。人靡在阿之歎。野傳擊壤之謳已矣。富庶之規既如此。弼諧之道必於是。佐玄化之風行。動黎元而草靡。故得祥生地。表慶發天宗。百穀允脩。臣罔慙於后稷。兆人乃粒。帝有邁於神農。伊斯事之明盛。掩前代之輝映。因獻壽之嘉辰。遂啓心於善政。何必考李悝之地力。覽崔寔之月令。懿此

群公之書永作九州之慶。胡直鈞同前韻。農為務本。春則歲華。和者取至和之靡惑。中者象居中之莫邪。吾君將以發教源於仲序。配節令於乳嘉。知稼穡之道。則無逸之書何遠。親播植之論。審后稷之訓不遑。至若四海無事。萬方胥悅。野思疆理之勤。朝有田疇之說。鑄兵器為農器。更舊節為新節。天子方坐承明之廡。端穆清之居。百職事孜孜而奉職。群有司濟濟以進書。書曰。陛下德被淳古。時登太初。念耘耔之勤。每思親勞。佇豐年之應。曾不自虛。一作。撫臣所以極聞見而獻可。庶將獲小大之所如。伏以羲徇平秩。時在元吉。既錢鏐之徒營。固準直而何失。連西成於遺秉之歲。戒東作於寅賓之日。庶居勤之華。咸執其常。惰游之人。罔敢不率。皇上諧衆議。允嘉猷。載耒耜而親耕。天下皆勤。率公卿而終事。庶績咸脩。然後創典章。頒遠迹。斯再耕之自此。佇多稌之于彼。稽汜氏之法。未足方之。考周官之規。諒當改是。豈不以群下執躬。在上務農。故將降玄功於后土。介景福於天宗。況令節適時。良圖合盛。近可法於三務。遠從規於八政。豈將獨播美於茲辱。異終古而輝映。鄭式方同前韻。聖人清謚六合。車書一家。皇心協于天統。令節徵為國華。思播植以富人。故農書是進。建中和而煦物。俾淳風不遐。是以四夷即科。九較用嘉。當其天廟低臨。韶光發洩。二月

初吉。式協於農祥。三務成功。不虧乎歲節。授其時。用天之道。進其書。知人則哲。一人垂拱。以憂勤。百辟獻章。而誠竭。於是元老進而言曰。陛下道洽無外。化康有截。猶慮九扈未洽。三時尚缺。命陳書而王化可聞。俾知方而農政斯列。既種既戒。潔盛之望有期。弗震弗渝。地利之宜。奚設。豈不以寒氣摠入。春陽始初。陳乎五種之用。本乎三農之書。王者則千畝是藉。庶人則中田有廬。故年較之順不差。物力之功免實首。嘉節而東作方起。符中星而西成乃畢。其殖也。習無不利。其耕也。動罔不吉。然後邦國知習節之宜。衆魏識勸農之術。予以見君臣克協。予以見土較惟脩。足食表豐年之慶。多稼興大田之猷。且夫節者。育物於生成。農者。豐功於遐迩。善宣乎時罔不若。化洽乎物無非是。乃疆乃理。歌積庾於京坻。有翼有憑。致殊方之率俾。非我后聖應太昊德。包神農。則不能盡地力。祈天宗。故得貞萬性。行八政。幸沐化於和平。庶採薪而謠詠。

永樂大典卷之六百二十三

永樂大典卷之六百二十四一東

農

詩文

議興農晉書束皙傳石鑒卒王戎乃辟皙兄瓌張華召皙為掾又為司空下邳王晃所辟華為司空復以為賊曹屬時欲廣農

皙上議曰伏見詔書以倉廩不實關右饑窮欲大興田農以蕃嘉穀此誠有虞戒大禹盡力之謂然農穰可致所由者三一曰天時不墮二曰地利無失三曰人力咸用若必春無霖霖之潤秋繁滂沱之惠水旱失中零穰有請雖使義和平秩后稷親農理疆訓於原隰勤蓺萊於中田猶不足以致倉庾盈億之積也然地利可以計生人力可以課致詔書之旨亦將欲盡此理乎今天下千城人多游食廢業占空無田課之實較計九州數過萬計可中嚴此防令監司精察一人失課負及郡縣此人力之可致也又司州十郡土狹人繁三魏尤甚而猪羊馬牧布其境內宜悉破廢以供無業業少之人雖頗割徙在者尤多田諸荒牧不樂曠野貧在人間故謂北土不宜畜牧此誠不然案古今之語以為馬之所生實在冀北大賈得羊

取之清潞。放豕之歌。起於鉅鹿。是其效也。可悉徙諸牧以充其地。使馬牛
豬羊。藪草於空虛之田。游食之人。受業於賦給之賜。此地利之可致者也。
昔雕駟在垆。史克所以頌。魯僖却馬務田。老氏所以稱。有道宣利之所以
會哉。又如汲郡之吳澤。良田數千頃。潯水停潯。人不墾植。聞其國人。皆謂
通泄之功不足為難。烏鹵成原。其利甚重。而豪強大族。惜其魚捕之饒。構
說官長。終於不破。此亦谷口之謠。載在史篇。謂宜復下郡縣。以詳當今之
計。荆楊兗豫汙泥之土。渠塢之宜。必多此類。最是不待天時。而豐年可獲
者也。以其雲雨生於畚耜。多稔生於決泄。不必望朝濟而黃潦臻。榮山川
而霖雨息。是故兩周爭東西之流。史起惜漳渠之浸。明地理之重也。宜詔
四州刺史。使謹按以聞。又昔魏氏徙三郡人。在陽平頓丘界。今者繁盛。合
五六千家。二郡田地逼狹。謂可徙遷西州。以充邊土。賜其十年之復。以慰
重遷之情。一舉兩得。外實內寬。增廣窮人之業。以闢西郊之田。此又農事
之大益也。文苑英華觀農賦。歲起於丁。東壯就功。則知富民必資於廩
實。疆國亦在於年豐。是時也。杏花疏樹。蒲葉抽叢。曉出鳳城。疲道路之攸
往。迴瞻鵲野。知耕鑿之斯崇。美太原隰底績。溝塍刻鏤。耒耜交橫。煙雲輻
湊。人沮溺而為伴。水鄭白以分溜。一稔二米。禾同此里之禾。苗盛草稀。豆

異南山之豆。觀夫田畯至饒。室家相歡。揮鋤去莠。築堰澆蘭。野餉晚持於斜。逕雲鍾暮荷於曾。密憐近山之樹密。悅臨流之地寬。葵腰鎌而乍采。黍策杖而時看。且人生在勤。勤則不匱。欲抑末以敦本。在用天而分地。思文后稷。濟時敷播。殖之功。惟彼陶唐。申命掌噉。夷之事。八政之中。食居一。四人之裏。農為二。俾彼甫田。習無不利。故土爰稼穡。含靈是資。歲稔則家知禮讓。食足則國贊邕熙。無辭艱難。服先疇之畎畝。皆當儲峙。救黎人之阻飢。九年殷憂於克日。萬箱發詠於周詩。述忝門人。得承規於孔父。心將請學。恐貽責於樊遲。劉悅文較農功以救於民。賴其功者。有違順德。以化於民。救其民者。有疾徐。夫以三月除穀地。五月穀入土。雖當世不拔其苗。後世不毀其穀。其飲食之道。順於情也。故生不疢癘其道。死則俎豆其功。其無功字聖人。然則救懷以禮。垂世以法。當世伐其樹。後世毀其法。所以禮違其情。法違其欲者也。是以生為旅人。疢癘於天下。肉腐於俎。酒乾於器。然後為聖人。是愚民賴聖人之功。忘聖人之道。嗚呼。禮亡而爭器矣。雖有粟。弱者安得而食之。法壞而奪其三時矣。雖有山澤。農者安得而種也。

一作之劉軻文農夫禱

丙戌歲大飢。楚之南江黃間為甚。明年予將之舒。途出東山。見老農輩。鳴其族。為禱於五君祠。其意誠而詞俚。因得其文。

以潤色之。亦以儆于百執事者云。農夫某謹達精誠于明神。噓嗟我耕食之人。誰非王之人。人之有求。神得不以聰明正直聽之耶。曩者仍歲荐飢。人為鰥寡。田無耕夫。桑無蠶婦。癘疫瘡痍。一方尤危。踵以吳蜀弄兵。吏呼其門。毆荒餘之人。挾弓持戟。女子生別。行啼走哭。王師有征。羣盜繼誅。乃歸其居。乃復室廬。廬壞田蕪。亦莫蠲其租。今之收合餘燼。人百其力。幸大咸于秋。誠慮旱而不雨。既雨而潦。必不為潦。又慮其不苗不秀。秀而不實。又慮為螟蝗。又慮夫廐馬之奪其食。賦吏之厚其歛焉。嗚呼。必馬無厭粟者。妾無厭羅紈者。吾歛其薄矣。亦於何厚其所薄耶。伏希神明無有所忽。禱曰。無瘠農人以肥廐馬。無寒蠶婦以暖妓妾。無銷耒耜以滋兵刃。農人不飢而天下肥。蠶婦不寒而天下安。耒耜不銷而天下饒。妾暖而嬌。兵滋而殘。馬肥而豪。不蹟不馳。足食足衣。皇天皇天。胡忍是為。苟不此為。民其嚶嚶。神其怡怡。尚饗。宋宋景文公集乞損豪強優力農。其物力如本戶自言不實。敢隱落藏避分文以上。全戶籍沒入官。其官吏作弊。為隱藏者。並乞監鎖赴御史臺。勘奏。旋取朝旨。除河北河東陝西四川等七路。不行借貸外。餘十一路。並乞施行。臣伏以推豪強惠小民。王者政教之美也。今天下力農之人。國家衣食取辦。然赦恩未嘗有一言及之。豪猾兼并之家。